



"Zar ne biste željeli da vas uputim na djelo radi kojeg Allah briše grijehе i podiže stupnjeve?" Oni rekoše: "Svakako, Allahov Poslaniče." On reče: "Upotpunjavanje abdesta u teškim periodima, mnoštvo koračanja prema džamijama i iščekivanje namaza nakon namaza. To vam je istinsko bdijenje na Allahovom putu."

Ebu Hurejre, radijallahu 'anhu, prenosi da je Allahov Poslanik, sallallahu 'alejhi ve sellem, kazao: "Zar ne biste željeli da vas uputim na djelo radi kojeg Allah briše grijehе i podiže stupnjeve?" Oni rekoše: "Svakako, Allahov Poslaniče." On reče: "Upotpunjavanje abdesta u teškim periodima, mnoštvo koračanja prema džamijama i iščekivanje namaza nakon namaza. To vam je istinsko bdijenje na Allahovom putu."

[Vjerodostojan] [Hadis bilježi imam Muslim]

Vjerovjesnik, sallallahu 'alejhi ve sellem, je dao ponudu ashabima, iako je znao kakav će biti njihov odgovor, jer u ljepotu njegovog podučavanja spada i to da ponekad ashabima predstavi mes'elu (pitanje) da bi im skrenuo pažnju na ono što će im se kazati. Rekao im je: "Hoćete li da vas obavijestim o djelu zbog kojeg Allah briše grijehе i podiže stepene?" Rekli su: "Svakako, Allahov Poslaniče.", odnosno: Obavijesti nas o tome, želimo da znamo koje je to djelo kojim se brišu grijesi i uzdižu stepeni. Rekao im je: Prvo: Upotpunjavanje abdesta u stanju kada je čovjeku mrsko da to uradi, kao što je naprimjer u zimskom periodu, kada je voda hladna, pa ako čovjek upotpuni svoj abdest uprkos ovoj teškoći, to ukazuje na potpunost imana, i Allah time uzdiže stepene Svog roba, i briše mu njegove grijehе. Drugo: Da čovjek klanja pet dnevnih namaza u mesdžidu, kao što mu je i propisano, čak i ako je mesdžid daleko. Treće: Da čovjek poželi (priželjkuje) namaz, pa kada završi sa namazom njegovo srce je vezano za naredni namaz koji iščekuje, a to doista ukazuje na čovjekov iman, i na njegovu ljubav prema namazu. Ukoliko bude iščekivao namaz za namazom, time će mu Allah podići stepene i obrisati grijehе. Zatim nas je Vjerovjesnik, sallallahu 'alejhi ve sellem, obavijestio da je ustrajnost na čistoći (šerijatskoj), namazu i ibadetu poput bdijenja na Allahovom putu.

النجاة الخيرية
ALNAJAT CHARITY

